

REGIONALNI STAMBENI PROGRAM

Broj: 04-36-1-134- 9997/13

Datum: 19.09.2022. godine

Na osnovu člana 70. stav (1) i (3) Zakona o javnim nabavkama – u daljem tekstu: Zakon („Službeni glasnik BiH“, broj: 39/14) i Rješenja o ovlaštenju federalnog ministra raseljenih osoba i izbjeglica, broj: 04-36-1-134-8551/13 od 02.07.2018. godine, a na Preporuku Komisije za javne nabavke, imenovane Rješenjem broj: 04-36-1-134-9982-2/13 od 26.07.2022. godine, Federalni ministar raseljenih osoba i izbjeglica **d o n o s i**

O D L U K U

O IZBORU NAJPOVOLJNIJEG PONUĐAČA -

Isporuka i izvođenje radova na ugradnji samostalnog fotonaponskog sistema za 10 kuća u gradovima/općinama: Bosansko Grahovo, Glamoč, Ključ, Maglaj i Sanski Most, u okviru Regionalnog stambenog programa - RSP, BiH2 Pod-projekta, 04/22-RSP BiH2

I

U cilju odabira najpovoljnijeg ponuđača, nakon provedenog otvorenog postupka javne nabavke radova - Isporuka i izvođenje radova na ugradnji samostalnog fotonaponskog sistema za 10 kuća u gradovima/općinama: Bosansko Grahovo, Glamoč, Ključ, Maglaj i Sanski Most, u okviru Regionalnog stambenog programa - RSP, BiH2 Pod-projekta, 04/22-RSP BiH2, kao najbolje ocijenjena prihvatljiva ponuda je ponuda ponuđača „**Elektro montaža**“ **doo Ključ, sa ukupnom cijenom ponude sa uračunatim popustom bez PDV - a u iznosu od 194.870,00 KM.**

II

Ponuđač iz tačke I ove odluke ocijenjen je kao prihvatljiv, jer ispunjava sve uslove postavljene tenderskom dokumentacijom.

III

Dokaze o kvalifikaciji ponuđača, ponuđač je obavezan dostaviti u roku od 7 (sedam) dana od dana obavještenja ponuđača o rezultatima postupka, u skladu sa odredbama tenderske dokumentacije.

IV

Odluka stupa na snagu danom donošenja i objavit će se na web stranici Federalnog ministarstva raseljenih osoba i izbjeglica, u skladu sa članom 70. stav (6) Zakona, istovremeno s upućivanjem iste ponuđaču koji je učestvovao u predmetnom postupku javne nabavke.

O b r a z l o ž e n j e

Postupak nabavke pokrenut je Odlukom o pokretanju postupka nabavke, broj: 04-36-1-134-9982/13 od 19.07.2022. godine. Javna nabavka provedena je putem otvorenog postupka. Ukupna procijenjena vrijednost nabavke iznosila je 195.583,00 KM, bez PDV-a i predviđena je Planom javnih nabavki za 2022. godinu u okviru Regionalnog stambenog programa, pod rednim brojem 04/22-RSP BiH2. Obavijest o nabavci, broj: 668-1-3-36-3-68/22 poslana je na objavu 19.07.2022. godine, te je zajedno sa tenderskom dokumentacijom istog dana objavljena na

portalu javnih nabavki. Sažetak Obavještenja o nabavci objavljen je u „Službenom glasniku BiH – Oglasnik javne nabavke“, broj: 50/22.

U predmetnom postupku nabavke ponudu je dostavio jedan ponuđač i to „Elektro montaža“ doo Ključ.

Komisija za javne nabavke, imenovana Rješenjem, broj: 04-36-1-134-9982-2/13 od 26.07.2022. godine, izvršila je pregled i evaluaciju prispjele ponude i konstatovala da je dostavljena ponuda prihvatljiva za ugovorni organ.

Nakon izvršenog pregleda i evaluacije ponude, Komisija je dostavila Projekt menadžeru Zapisnik o pregledu i ocjeni ponuda, broj: 04-36-1-134-9994/13 od 23.08.2022. godine, zajedno sa Preporukom da se donese Odluka o izboru najpovoljnijeg ponuđača za „**Elektro montaža**“ **doo Ključ**, sa registriranim sjedištem na adresi Rejzovići bb, Ključ, ID broj: 4263562880009, za predmetnu nabavku.

U postupku donošenja ove odluke, posebno su cijenjene činjenice, da je Komisija pravilno i potpuno izvršila ocjenu kvalificiranosti ponuđača, te ocjenu prispjele ponude, shodno postavljenim uslovima iz tenderske dokumentacije. U postupku ocjene provedenog postupka, Projekt menadžer nije našao razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove Odluke, ponuđač koji je učestvovao u postupku nabavke, može izjaviti žalbu Uredu za razmatranje žalbi Bosne i Hercegovine putem ugovornog organa Federalnog ministarstva raseljenih osoba i izbjeglica, u pisanoj formi direktno ili preporučenom poštanskom pošiljkom, u roku od 10 (deset) dana od dana prijema ove odluke. Žalba se podnosi u najmanje 3 (tri) primjerka.

MINISTAR

Dostaviti:

- Učesniku u postupku
- Web stranica Ministarstva
- Grupa poslova za javne nabavke
- a/a

dr.sci. Edin Ramić